

Cerambyx Scalaris thorace mutico subcylindrico coleopteris linea suturali dentata punctisque flavis, antennis mediocribus. *Linn. Syst. Nat.* 632. 55. *Fn. Sv.* 697.

Cerambyx flavo-viridis. *De Geer Ins.* 5. 77. 14.

Scop. Ent. Carn. 175. *Cer. Scalaris*.

Ann. hist. nat. 5. 102. 77. *Lept. Scalaris*.

Schaeff. Icon. t. 38. f. 5.

Variat margine elytri interiore albo. Antennarum articuli, in meis speciminibus, grisei apicibus nigris.

Raro inveni in ligno Pruni Cerasi exsiccato.

53. SAPERDA TESTACEA.

S. thorace cylindrico nigra, elytris testaceis. *F. Sp.* 235. 23. Statura, ac magnitudo fere *S. Cylindricae*. Antennae longitudine corporis nigrae. Corpus totum nigrum, elytris solis testaceis.

Lecta m. Maj. in pratis.

54. CALLIDIUM PRAEUSTUM.

C. thorace subtuberculato testaceum, elytris apice violaceis.

F. Sp. App. 500. 17-18. *Mant.* 153. 27.

Differt a *C. Testaceo* elytris tantum a medio ad apicem violaceis, quasi praeustis. Antennae corpori, in masculo, subaequales. Femora omnia clavata. Variat magnitudine. Habitat in plantis frequens.

* 55. CALLIDIUM LIVIDUM.

C. thorace subtuberculato nudo, elytris obscure-testaceis, ore, thorace, pedibusq. flavo-lividis, antennis fuscis pilosis, longitudine corporis.

Magnitudo fere duplo minor quam in praecedente, & a *C. Lurido* distinctissimum. Variat elytris nigricantibus.

Habitat ruri frequens, & in muris hortorum.